

王旭高醫案


清 王旭高 著

上海科学技术出版社

清 王旭高 著

王 旭 高 医 案

X/51/19



上海科学技术出版社

58210

內 容 提 要

王旭高(1798~1862),名泰林,江苏无錫县人,始为疡医,继精內科。

本书是他的临証医案,由虞山方耕霞搜集編次,分为四卷二十六門,复加按語,每門后又附以小結。二十六門中包括外感、內伤、杂病及妇、幼、外各科病症,但以內科为主。其中連續复診的医案頗多,可以看出药效与病情的轉变。

本书据光緒 24 年(1898)倚云吟館本校勘重印,可供临床医师参考。

王 旭 高 医 案

清 王旭高 著

上海科学技术出版社出版 (上海瑞金二路 450 号)
上海市书刊出版业营业许可证出 093 号

上海市印刷六厂印刷 新华书店上海发行所发行

开本 850×1156 1/32 印张 9 6/32 排版字数 147,000
1965 年 4 月第 1 版 1965 年 4 月第 1 次印刷
印数 1-10,000

统一书号 14119·1187 定价(科六) 1.10 元

序

臨証醫案，非古也。古人視病不立案語，但書方藥。迨宋后醫生診病，始相沿先立案語，后書方藥，但隨作隨棄，無有輯之者。如宋之許知可、張季明、明之薛立齋、陳維宜、孫文垣，以及清初喻嘉言、徐大椿輩，雖有醫案，類皆因治療效驗，筆諸于書，其文乃記事，非臨証也。良以病多轉變，方難一定，恐泥學者眼目，故作者忍置之。然余謂醫之有方案，猶名法家之有例案，文章家之有試牋。對病書方，因題立義，相對斯須，人之性命系焉，己之得失亦系焉。雖不足為根柢之學，而病者之情形，醫者之學識心思，盡在於是。苟能溯其脈証，觀其變化，奚啻與病者醫者一堂共語，不大可觸發手眼哉！故叶氏《臨証指南》海內风行。然叶案語意高深，方多平淡，學者踐其迹，未必入其室。因叶負一時重名，所視者非富室膏粱，即病深氣竭，貧寒初病者寥寥焉。蓋氣體不同，方法即異，讀其書而得其用者鮮矣！余旧得无錫王泰林旭高先生方案二卷，愛而藏之，以篇頁无多，未梓。更求二十余年，不可得。客春游梁溪，訪老友刘君石香。石香出十卷示余，云新得于李氏者。亟假歸讀之，其心思之敏，見識之超，清华而不高深，灵变而有矩矱，視叶案易于学步。且复診甚多，前后推究，考其得失，尤足以資助学者。因并余所藏者，去其

重复，合而选之。間有字句冗沓率意处，略为删整，依类編次，分二十六門。每門附以拙論，略见大意。其有精警与未惬意者，复随案指出，正之有道，非敢有意毁誉也。原书十卷，約得五六厘，为四卷，命儿輩录出，不敢自私，付之梓人，以公同学焉。光緒二十三年丁酉孟春，耕霞方氏序于倚云吟館。

目 录

卷一

温邪	一
暑邪	三
伏暑	七
瘧疾	五
痢疾	六
黄疽	七
卷二		
中风	六
肝风痰火	六
虚劳	九

王旭高医案 目录

吐血	三
----	-------	---

臌胀水肿	三
------	-------	---

卷三

积聚附虫积	五
-------	-------	---

腕腹痛	六
-----	-------	---

噎膈反胃	七
------	-------	---

三消	九
----	-------	---

痰饮	九
----	-------	---

痰喘	四
----	-------	---

卷四

咳嗽	三
----	-------	---

王旭高医案 目录

疝气	三三	妇人	三五
遗精淋浊	三三	产后	三六
瘰疬	三三	幼科	三六
杂病	三三	外疡	三七

王旭高医案

无錫王泰林旭高著 后学方仁渊耕霞参訂

卷一

温邪

某久患三瘡未愈，勞力更感风温，而发时証，及今八日。壮热煩躁，汗不能出，疹不能透，热郁蒸痰，神糊囁語，两脇疼痛，难以轉側，胸悶气粗，动則欲厥。所以然者，邪热与痰伤混合，痰浊与气血交阻，莫能分解，以致扰乱神明，漸有昏喘之险。

豆	豉五錢	苏	梗一錢	郁	金一錢	赤茯神	三錢	連	乔三錢	丹	皮錢半
当	归三錢	杏	仁三錢	天竺	黃錢半	木	通一錢	猩	絳七分	菖	蒲五分
青	葱	枇	杷叶								

渊按：郁金、杏仁解气郁，当归、葱、猩解血郁，豆豉、苏梗从里达表，尤宜佐黄芩、鮮地等以解热郁，否則热不解。

而诸郁亦不开，热蒸痰阻，陷入胞络，路易易。

宋 湿温过候，斑疹并见，心胸烦懊，神识模糊。脉数混混而不清，舌心苔干而不膩。湿蘊化热，热渐化燥。气粗短促，目赤耳聩。阴精下亏，风阳上亢，虑其内陷昏瘖。拟生津达邪，兼芳香逐秽。

鲜斛

淡豆豉

竹茹

连乔

橘红

赤苓

天竺黄

黑山栀

菖蒲

郁金

羚羊

陈胆星

牛黄清心丸五分

加犀黄三厘

复诊 湿温邪在太阴、阳明，湿胜于热，太阴为多；热胜于湿，阳明为甚。日晡烦躁，阳明旺时也。口虽渴，苔仍白膩，乃湿蘊化热，余湿犹滞，气火熏蒸，蒙蔽清窍，故斑疹虽透而神识时糊。脉沉小而数疾，皆邪郁不达之象。倘若热甚风动变劲，便难措手。

半夏

赤苓

鲜石斛

连乔

川

连姜汁炒 菖蒲

通草

豆豉

郁金

益元散

竹茹

茅根

黑山栀

渊按：宜参凉膈散缓缓通下，不致下文化燥内陷耳。盖湿温虽不可早下，而热胜挟滞者，不下则热邪挟滞。

不去，濕邪亦从熱化燥化火也。

三診 濕溫旬日，脈數較大于昨，熱勢較盛于前，所謂數則煩心，大为病進，并非陰轉為陽，自內達外之象。舌苔白厚，上罩微灰。面紅目赤，陽盛之征；頭昏耳聾，陰虛之象；小溲壅塞，氣化不及也。當生津以徹熱，利竅以化濕，救陰不在腎而在生胃津，去濕不可燥而在通小便。蓋汗生于津，津充汗出而熱解；小腸為心之府，小便通利，心火降而神清。

羚羊角

赤苓

菖蒲

天竺黃

澤瀉

益元散

知母

鮮石斛

通草

竹叶

鮮薄荷根

另用珠子五分，血

珀五分，為末，調服。

淵按：名言傑論，勿草草讀過。

四診 濕熱郁蒸，如烟如霧，神識沉迷，脈時躁時靜，靜則神倦若寐，躁則起坐如狂，邪內陷矣。虽便不通，而腹鳴不滿，腸胃不实，其糞必溏，未可驟攻下之。大凡溫邪時症，驗舌為先。今尖苔白，上罩微霧，邪在營氣之交。叶氏云：邪乍入營，猶可透熱，仍轉氣分而解，如犀、羚、元、翹等是也。从此立方，參以芳香宣

犀角 羚羊角 鲜石斛 天竺黄 元参 连乔

益元散 赤苓 竹茹 至宝丹一粒

五诊 前方加鲜地、瓜蒌仁、枳实。

六诊 舌黑而干，湿已化燥；频转尿气，脘腹按痛，邪聚阳明，肠胃已实，当商通腑。但小便自遗，肾气虚也。正虚邪实，津枯火熾，惟有泻南补北，勉进黄龙汤法。

鲜地 人参 生大黄 元参 元明粉 菖蒲

天竺黄 连乔 竹叶 甘蔗汁代水煎药

渊按：蔗汁生飲最妙。代水煎药，不但膩膈，且失凉潤之性矣。

七诊 下后舌黑稍退，而脉反洪大，神識仍昏，阳明火旺也。清阳明燔灼之火，救少阴涸竭之阴，用景岳玉女煎。

鲜地 元参 鲜斛 知母 天竺黄 麦冬

石膏 竹叶 芦根 蔗汁一杯冲

八诊 津回舌潤，固属休征；风动头搖，仍为忌款。温邪虽退，元气大虚，虚风上扰不息，又防眩暈厥脱。

今当扶正熄风，参以生津和胃。

生洋参

钩钩

天麻

茯神

制半夏

石决明

秫米

陈皮

麦冬

竹茹

甘蔗皮

渊按：热滞虽从下而松，肝家阴液早为燥火所伤，故见証如此，迟下之累也。

胡素有肝胃病，适挾湿温，七日汗解，八日复热。舌灰唇焦，齿板口渴，欲得热饮。右脉洪大数疾，左亦弦数。腕中仍痛，經事适来。靜思其故，請明析之。夫肝胃乃腹中一藏一府，木乘土則气郁而痛，若不挾邪，安得寒热？即有寒热，断无大热，以此为辨也。又詢大便坚硬而黑，是肠胃有实热，所謂燥屎也。考胃气痛門无燥屎症，惟瘀血痛門有便血，然此症无发狂妄喜之状，則断乎非蓄血，此又一辨也。渴喜热飲，疑其为寒，似矣。不知湿与热合，热处湿中，湿居热外，必飲热湯而湿乃开，胸中乃快，与阴寒假热不同。再合脉与唇，其属湿温挾积无疑。《伤寒大白》云：唇焦为食积。此言諸书不載，可云高出前古。

豆豉

郁金

延胡

山梔

香附

赤苓

連乔

竹茹

萹皮

外用葱头十四个，盐一杯，炒热，熨痛处。

按：病本湿温挾食，交候战汗而解，少頃复热，为一忌。汗出而脉躁疾者，又一忌。适值經来，恐热邪

陷入血室，从此滋变，亦一忌。故用豆豉以解肌，黑梔以清里，一宣一泄，祛表里之客邪。延胡索通血中气滞，气中血滞，兼治上下诸痛。郁金苦泄以散肝郁，香附辛散以利诸气，二味合治妇人经脉之逆行，即可杜热入血室之大患。瓜蒌通府，赤苓利湿。加竹茹、连乔，一以开胃气之郁，一以治上焦之烦。外用葱、盐热敷，即古人摩按之法，相赞成功。

渊按：此虽有食积，亦不可下，以胸痞脘痛，渴喜热饮，中焦湿欬郁遏不开，寒热错杂，阳明之气失于顺降，若遽下之，轻则痞隔，重即结胸矣。同一湿温夹滞，其不同有如此者。

复诊 服药后大便一次，色黑如栗者数枚，兼带溏粪。脘痛大减，舌霉、唇焦俱少退。原为美事。惟脉数大者变为虚小无力，心中觉空，是邪减正虚之象，防神糊瘕厥等变。今方九日，延过两候乃吉。

香 豉	青 蒿	沙 参	赤 芍	川 贝	郁 金
黑 山 梔	竹 茹	稻 叶	金 橘 餅		

渊按：大便通而痛减，乃葱、盐按摩之功也。葱能通气，咸能顺下，阳明之气得通，胃气自然下降，胃气通降，大便无有不通者。夫便犹舟也，气犹水也，水流顺畅，舟无停滞之理。若但知苦寒攻下，不明中气之逆顺，是塞流以行舟耳！

秦 温邪十二日，斑疹遍透，神識仍糊；大便屢行，齿垢未脫。舌尖紅，中心焦，阴津灼也。左脉大，右脉小，元气弱也。昨投清泄芳开，是从邪面著笔；今診脉神委頓，当从元气推求。要知温属阳邪，始終务存津液；胃为阳土，到底宜济甘凉。所虑液涸动风，易生瘳厥之变；胃虚气逆，每致呃忒之虞耳。

羚羊角 沙参 生草 天竺黄 菖蒲 鮮石斛

犀角 元参 洋参 泽泻 茯神 芦根

蔗汁 另用濂珠粉三分，上血珀末三分，开水調服。

复診 昨用甘寒生津扶正，病势无增无减，然小便得通，亦气化津回之兆也。症交十三日，是謂过經，乃邪正勝負关头。从此而津液漸回，神气渐清，便是邪退之机；从此而津液不回，神糊益甚，便是邪进之局。正胜邪則生，邪胜正則重。仍以生津救液，冀其应手。

羚羊 鮮石斛 沙参 洋参 麦冬 泽泻

赤苓 元参 蔗汁 芦根 珠黄散 又加知母、川貝。

三診 甘寒清潤，固足生津，亦能滋湿。向之舌絳干焦者，今轉白膩，口多白沫，是胃浊上泛也。小便由于气化。湿滯中焦，气机不畅，三焦失于輪化，故不饥，不思納，小便不利也。法宜宣暢三焦。

豆卷 赤苓 猪苓 泽泻 生苡仁 杏仁

通草 竹茹 陈皮 半夏曲 谷芽 血珀 五分研末冲服

渊按：帆随湘转，妙于转环。脾胃阳气素虚，阳邪一化，阴湿即来。在脉神委顿时早防之，庶免此日波变，然不料其变之如是速耳。古方大豆卷治筋攀湿痹，苏地用麻黄汤浸，借以发汗，与此症总不相宜。

四診 痰热畜于下焦，膀胱气痹不化，少腹硬满，小溲不利。下既不通，必反上逆，恐生喘呃之变。开上疏中渗下，俾得三焦宣畅，决瀆流通。

紫苑 杏仁 桔梗 川朴 陈皮 赤苓

猪苓 泽泻 苏梗 血珀 通草 又照方加参须五

分，煎湯調下血珀五分。外用田螺二枚，葱白一握，桃仁三錢，曲少許，麝香五厘，肉桂五分，合打烂，燉温，敷臍下关元穴。

五診 温邪甫退，少腹板硬，膀胱气化无权。昨議疏泄三焦，小便仍不畅。今少腹硬满过臍，其大如盘，按之不痛，脉沉小，舌白膩，身无热，口不渴，所謂上热方除，中寒复起是也。夫膀胱与肾相表里，膀胱气化賴肾中阳气蒸騰。肾阳不足，膀胱水气凝而为瘕，須防犯胃冲心呃厥等变。急急温肾通阳泄水，犹

恐莫及。

肉桂五苓散送下金匱腎氣丸三錢。

淵按：須此方解下焦之圍，再佐葱、鹽按摩更妙。

六診 通陽泄水，與病相投，雖未大減，已奏小效。腹中覺冷，中陽衰弱顯然。

照方加木香、炮姜。

尤症交十二日，目赤耳聾，舌白煩渴，脈洪大而汗出。當辛涼以徹氣分之熱邪，甘涼以救肺胃之津液。

北沙參

麥冬

知母

天竺黃

元參

生石膏

薄荷同打

滑石

竹叶

芦根

七診 目張不語而神慧，與湯則咽，身能轉側。舌苔灰白，脈形洪滑。并非邪閉心包，乃肝陽夾痰火阻塞清明之府。勿再芳香開達，開則邪反內陷矣，慎之！

羚羊角

川貝

郁金

茯苓

胆星

石決明

遠志

鮮石斛

竹油

姜汁

北沙參

渊按：清火熄风，豁痰通窍，丝丝入扣。惟沙参可斟酌，以其补肺也。舌苔灰白，痰火征兆。

八診 目张不語，多汗脉大。阳盛阴虛，防其厥脫。急救其阴，希图万一。

生洋参

石决明

沙参

茯神

麦冬

川貝

五味子

九診 目已能合，口已能言，但舌蹇而言涩。汗多稍收，脉大稍斂，似有一线生机。所嫌两臂动强，恐其发瘳。拟存阴熄风法。

羚羊角

鮮地

生地

洋参

沙参

石决明

麦冬

鈎鈎

蔗汁

渊按：几乎类中。大抵平素肺腎阴气不足，肝阳有余，年过四十者，每有是証。

华 温邪八日，神識模糊，斑色紅紫，脘腹拒按，結热旁流。舌紅干燥，目赤唇焦，而又肤冷汗出，脉伏如无。邪热内閉，阴津外泄，頗有内閉外脫之慮。勉进黄龙湯法。

大生地

参須

生大黄

枳实

連翹

天竺黄

元参

菖蒲

鮮石斛